



Anna Wangenheim
Inatsisartunut ilaasortaq, Demokraatit

§ 37 nr. 004/2022 apeqquteqaammut akissuteqaat

20-01-2022
Sags nr. 2022 - 523
Akt nr. 18927301

Postboks 1160
Tlf: 34 50 00
Fax: 34 55 05
3900 Nuuk

Email: pn@naaq.gl
www.naalakkersuisut.gl

Asasara Anna Wangenheim

Inatsisartut suleriesissaanni § 37 imm. 1 naapertorlugu Naalakkersuisunut saqqummiunneqartoq pillugu apeqquteqarsimavutit. Apeqquteqarninnut Naalakkersuisut qujapput uteqqillugillu ataani akineqassapput.

- 1. Naalakkersuisut paassutissiisinaanerlutik immikkut iliuserineqartunut aammalu corona pillugu iliuserineqartunut ukiuni 2020 aamma 2021-mi aningaasartuutit tamakkiisut qassiunersut?**

Akissut:

Matumuuna Corona pillugu suliniuteqarnermut 2020-mi aamma 2021-mi kontonut ilanngunneqarsimasut. .

2020: 314.828.000 kr.

2021: 145.518.000 kr. (ulloq. 7/1 2022)

7. februar 2022 tikillugu 2021-ernisanik kontomut ikkussuisoqartarsinnaammat taamaammat inerniviusut sulit takuneqarsinnaangimmata maluginiaqquneqarpoq.

- 2. Naalakkersuisut paasissutissiissutigisinaanerlugu misissortinneq ataaseq qanoq naleqarnersoq?**

Akissut:

PCR atorlugu misissuutit akii Coronap tunillaassuunnerata nalaani nikerarput. Uani akit ilisimatitsissutigineqartut taakkuupput massakkut akigitinneqartut. PCR atorlugu misissuutit ima paasillugu, toqqusaani misissugassanik tigusinermi atorineqartartut, sulisunut il.il. aningaasartuutitaqanngillat namminerisaminnik illersuutit il.il. 18,24 kr. - eqarput misissuutit. Misissuutit imarai vatsiusaq tigusinermi atorineqartartoq aamma igalaamineq ikisiffissaq.

- 3. Naalackersuisut nassuiarsinnaanerlugu innuttaasut sumilluunniit arlaannik peqquteqarluni angerlarsimaffiup avataani mattusimasariaqartut kiap akiliuttarnerai?**
- a. Allattorsimaffeqarnerluni periarfissamik atuisimasut amerlassusaannik?**
 - b. Aningaasartuutit maannamut qanoq annertutigippat?**

Akissut:

Naalackersuisut ilisimatitsissutigisinnaavaat innuttaasut angerlarsimaffiup avataani mattusimasariaqartut Namminersorlutik Oqartussani Coronamut kontomiit akiliunneqartartut.

Aammattaaq Naalackersuisuniit ilisimatitsissutigisinnaavarput 2020-imiinnuttaasut angerlarsimaffiup avataanni mattusimasariaqarnerannut 1.065.314 kr.-nit akiliunneqarnissaannut atorneqarsimasut. 2021-mi maannamuugallartoq atorneqarsimasut 6,2 mill. kr.-upput.

Maluginiaqquneqarpoq 7. februar 2022 tikillugu 2021-ernisanik kontomut ikkussuisoqartarsinnaammat taamaammat inerniviusut sulit takuneqarsinnaanngillat.

- 4. Naalackersuisut nassuiarsinnaanerlugu peqqinnissaqarfimmi coronastabmik pilersitsineq politikikkikut pingaarnersiuinertaata tunngavilersuutai suunersut?**

Akissut:

Coronamut tunngassuteqartumik ingerlatsinermit suliasat annertunerulersimapput tamatumalu saniatigut peqqissutsikkut ilisimasalinnit ikiorserneqarnissamut pisariaqartitsineq aamma annerulersimalluni, ass. tunillatsissimasinnaasunik ujaruinermit peqqissutsikkullu tunngassuteqartunik nalunaarsuineq. Taamaammat politikikkikut kissaatigineqarsimavoq Peqqinnissaqarfiup ataani coronamut tunngatillugu suliasat ataatsimoortillugit isumagineqarnissaat. Peqqinnissamut Naalackersuisoqarfimmit suliat Peqqinnissaqarfiup ataanut nuunneqarnikuupput.

- 5. Corona pillugu allatseqarfik Naalackersuisoqarfimmiik peeriarlugu peqqinnissaqarfimmut suliasanngortinneqarnerani suut tunngavilersuutaappat**

Akissut:

Peqqinnissaqarfimmit (Kalaallit Nunaanni Peqqinnissaqarfimmit, Nunatta Nakorsaaneqarfianit aamma Peqqinnissamut Naalackersuisoqarfimmit) tamanitkissaatigineqarsimavoq nutaamik Corona pillugu allattoqarfimmiik Peqqinnissaqarfiup ataaniittussamik pilersitsisoqarallassoq. Covid-19 aamma SARS-CoV-2 pillugu suliaqartussat katiternissai akiuinermit suliasat nukittorsarniarlugit siunertaasimavoq.

Sukumiinerusumik paasisaqarusukkuit akissut 4-miittoq takuuk.

- 6. Naalackersuisut nassuiarsinnaanerlugu akiuussusersuineq sanilliullugu sooq misissortittarnerup pingaarnersiorneqarnera?**

Akissut:

Tunillaassuuttoq Omikron kingullertigut qanoq ingerlanera, tunillatsittartullu amerliartuinnarneri, misissortittarnissamullu pisariaqartitsinerup annertusiartuinnarnera eqqarsaatigalugit Kalaallit Nunaanni misissuisitsisarneq pillugu iliussissatut pilersaarutit tamamik allanngortinneqarput. PCR atorlugu misissuutit pingaarnersiuiinikkut ukununga tunngatinneqarnerupput sakkortuumik nappaatillit immikkut navianartorsiortut Covid-19-eqarnermik ersiuteqartut. Innuttaasunut qulaani eqqaaneqarsimanngitsunut PCR atorlugu misissortinniartutik saaffiginnittunut misissuisoqartarnissaanut periarfissaasinnaasut nikerartorujussuusinnaapput. .

Innuttaasut tulleriarnermi eqqaaneqarsimanngitsut kaammattorusuppagut Covid-19-imik ersiuteqalersimagunik mattusimaqqullugit.

Sumiiffinni tunillaassuunnerup kingunerlutsitseratarsinnaanerani ilimanaatilinnut tunillaassuunnerup pinaveersimatinniarnissaanut suliniutit tunnganerupput. Taamaamat Nuna tamakkerlugu sapaatip akunnerini tulluuttuni kommuniniit pisortaqarfinni agguanneqangajalerput antigentestit (nammineerluni misissuutit).

Taamaalilluni pisortat suliffeqarfiutaani misissuinerit sukkanerusumik ingerlanneqarsinnaanngussapput. Taakkuusinnaapput utoqqaat illui/utoqqarnut najugaqatigiiffiit aamma angerlarsimaffinni paaqqutarisarialittallit.

Piffissap ingerlanerani niuruteqarluni kiffartuussivinni antigentest-inik tuniniaaneq taamatutaaq annertusarneqassaaq. Taamaattorli piomasqaataanngilaq antigentest atorlugu innuttaasut misissortittarnissaat.

COVID-19 akiuussusersuiniarnissaq salliutinneqarpoq. Tassa Covid-19-imut akiuussusersuiniarnissaq neqeroorutaavoq. 2020-imi decemberip naajartornerani akiuussusersuinerit aallartinneqarput piffissallu ingerlanerani annertusarneqarlutik apeqqutaalluni akiuussusersuinerit kikkunnut neqeroorfigineqarnersut.

Naartusut milutsitsisullu aamma aqqaneq marlunnik ukiullit 17-illu ukiullit akornaanni 2021-imi juulip naalerneraniit aggustusip aallartinnerani akiuussuserneqarnissamik neqeroorfigineqarput.

Meeqqat tallimaniit aqqanilinnut ukiullit aamma Covid-19-imut akiuussuserneqarnissamik 2022-imi januaarip qiteqqunneraniit neqeroorfigineqarput.

Tamatuma saniatigut pingajussaani akiuussusertinnissamat / akiuussuserteqqinnissamullu 18-ileereersimasut neqeroorfigineqarput.

Taakkua qaavatigut ilanngullugu eqqaasinnaavarput, Naalackersuisut Nunattalu Nakorsaaneqarfia 2021-ip naajartornerani nuna tamakkerlugu nittartakkakkut naapittarfinni KNR-ikkullu akiuussusersuiniarneq pillugu paasissutissiisarneq aallartinneqarnikuusoq. Tassani siunertaavoq amerlanerusut akiuussusertinniarnissaat.

7. Naalackersuisut akiuussusersuinermit suna periusissiaaraat?

- a. Naalackersuisut qaqugumita meeqqat tallimaniit qummut uklulinnut akiuussusertinnissamik neqeroorfigineqarnissaat aalajangersaaffigissavaat aallarnisarlugulu?

- b. Naalackersuisut qaqugumita booster-akiuussusertinneq (pingajussaaneertinneq) innuttaasuni inuusunnerusunut (40 ataallugit ukiulinnut) neqeroorutiginnissaa aalajangersaaffigissavaat aallarnisarlugulu?

Akissut: Akissut immikkoortoq 6-imiittumut innersuussivugut.. Immikkoortortaqarfinni tamalaani akiuussusersuiniarneq pillugu pilersaarutit ugguuna takuneqarsinnaapput:

<https://corona.nun.gl/da/vaccination/>

Inussiarnersumik inuulluaqqusillunga
Med venlig hilsen


Mimi Karsen